

lavit huic electioni consentiendi, dominus autem abbas sue petitioni annuens eundem dominum Bartoldum ab obedientia sua absolvit et electioni predicte consentiendi liberam tribuit facultatem ut in scripto desuper confecto plenius continetur. Acta sunt hec hora tertiarum die quo supra presentibus ibidem honorabilibus et discretis viris Hermanno Ymessen notario publico neenon artium liberalium baccalario et Ludolpho Luttekeludeke clero Mindensis diocesis testibus ad premissa specia-
liter vocatis et rogatis. Demum vero die Veneris vicesima prima mensis Augusti in prefato monasterio sancti Egidii Brunswicensi in presentia totius capituli eiusdem monasterii et notarii publici infrascripti prescriptus dominus Bartoldus electus constitutus asserens se nolle resistere ordinationi dicte ac nostris et suorum consultorum victum precibus electioni huiusmodi de se facte expresse consensit presentibus ibidem discretis Hermanno Ymessen publico notario et Hinrico Ghier layco Hildensemensis et Mindensis diocesis testibus ad premissa specia-
liter vocatis et rogatis. Que omnia et singula ad aures eiusdem reverendissime primitatis vestre devote perferimus ac una cum prefato domino Bartoldo electo rite ac morum honestate merito commendando plene et mature etatis de legitimo suscepto matrimonio in sacerdotio constituto in spiritualibus et temporalibus provido et circumspecto humiliter et sincere supplicamus quatenus electionem huiusmodi sicut premittitur factam ac electum approbare et confirmare sibique de abbatia huiusmodi pie et paterne dignemini providere ac eidem munus benedictionis favorabiliter in partiri retributionem a bonorum omni largitione recepturi. In quorum omnium et singulorum fidem et testimonium premissorum decretum electionis nostre huiusmodi exinde fieri et per notarium publicum infrascriptum subscribi et publicari mandavimus nostrique capitulo sigilli iussimus et fecimus appensione communiri. Datum et actum in nostro monasterio Berge anno domini millesimo quadringentesimo quadragesimo nono indictione duodecima mense diebus horis et locis aliis quibus supra pontificatus sanctissimi in Christo patris et domini nostri domini Nicolai divina providentia pape quinti anno tertio.

Et ego Baltasar Eghardi clericus Magdeburgensis diocesis publicus saera imperiali auctoritate notarius etc.

Original im Staatsarchiv zu Magdeburg s. r. Erzstift Magdeburg, Kloster Berge 2.

Rom, 1449, December 9.

292.

Papst Nicolaus V. verwirft die Wahl eines neuen Abtes durch einige Conventualen zu Kloster Berge nach dem Tode des Abtes Heinrich und beauftragt den Erzbischof Friedrich zu Magdeburg einen anderen aus dem Orden des h. Benedict zu wählen und dem Kloster vorzusetzen.

Nicolaus episcopus servus servorum dei venerabili fratri Frederico archiepiscopo Magdeburgensi salutem et apostolicam benedictionem Ad